



Klein Lochieland

Nuusbrief Graad R en RR

Lourensrivierweg / Posbus 124

STRAND

Tel: 021-8548592

E-pos:

adminkleinlochieland@lochnerhof.co.za

www.kleinlochieland.co.za

2026-02-13

Liewe Ouers

TROTS AFRIKAANS

Ons wil graag by Klein Lochieland suiwer Afrikaans aanmoedig. Moedertaalonderrig tot op die ouderdom van 6 jaar oud is baie belangrik vir 'n kind se taalontwikkeling. Daar is hierdie afgelope paar jare die meeste gevalle van taalverwarring en swak spraak wat ons nog ooit gehad het. Een van die duidelike tekens van taalverwarring is wanneer jy 'n kind iets in Afrikaans vra, maar hy antwoord in Engels.



Hier is 'n paar wenke wat alle ouers kan volg om taalverwarring te voorkom:

- Kinders word baie blootgestel aan Engelse TV-programme. As u kind reeds verwarring toon en baie Engelse woorde gebruik, stel ons voor dat u die klank van die televisiestel afsit dat die kleuter net na die beeld kyk. LET WEL: Hoe meer 'n kleuter aan 'n sekere taal blootgestel word, hoe vinniger leer hy/sy dit aan!
- Indien u kleuter 'n tablet het, probeer om Afrikaanse programmatuur op te laai.
- Lees ELKE aand 'n Afrikaanse storie aan u kind om woordeskat aan te vul. Verduidelik moeilike woorde wat hul nie verstaan nie. Hierdie is 'n baie belangrike aspek van u kind se aanleer van enige taal. Daar is enkele kinders wie se woordeskat op standaard is vir hul ouderdom.
- Wanneer u kleuter herhaaldelik 'n Engelse woord gebruik, korrigeer hom of haar elke keer totdat hy of sy die regte woord baasraak.
- Indien u kleuter in Engels antwoord, maak asof u nie verstaan nie en vra dat hy/sy u in Afrikaans antwoord.
- Kleure en vorms moet in Afrikaans beantwoord word; dit help nie hulle antwoord in Engels nie. Ons assesserings vind in Afrikaans plaas.
- Stel hom of haar bloot aan Afrikaanse maatjies.
- Speel Afrikaanse kinderliedjies in die motor en laat hulle saamsing.
- Terwyl u in die motor ry, gesels met u kind, bv. wys padtekens uit en verduidelik wat hulle beteken, bespreek die verskillende bome, waarom hulle blare verloor, ens.
- Kinders wat baie vrae vra en baie nuuskierig is, is 'n normale, intelligente kind wat in sy omgewing belangstel. Beantwoord sy/haar vrae, al dink jy as ouer hy/sy gaan dit nie verstaan nie. Kleuters op hierdie ouderdom is soos sponsies en neem baie inligting in as dit aan hulle verskaf word. Moet hulle nie onderskat nie.
- As u kleuter 'n groot belangstelling toon in sekere dinge, bv. dinosourusse of planete, moedig dit aan met speelgoed, boeke, video's, ens. Laat hulle die name leer. As hulle inligting in Engels kry, verduidelik dit vir hulle in Afrikaans.

Ons keur die aanleer van 'n tweede taal goed, maar dan moet die moedertaal eers sterk vasgelê wees. Kom ons kyk of ons ons kleuters trots Afrikaans kan maak. Hulle is tog in 'n Afrikaanse skool en ons is trots op ons taal!

KLAS- EN INDIVIDUELE FOTO'S

FOTODAG vir die graad RR-kleuters is **Dinsdag 17 Februarie** en vir die graad R-kleuters **Vrydag 20 Februarie**. **Trek die Klein Lochieland skoolhempie aan en sorg dat u kleuter se hare netjies is, asb.** Koeverte met 'n voorbeeld sal eersdaags beskikbaar wees. Die volgende fotopakette gaan beskikbaar wees:

PAKKET A: R120-00

- 2 X Digitale foto's (per e-pos gestuur)

PAKKET B: R150-00

- 1 X A4
- 1 X 13/18cm
- 2 Jumbo's
- 4 ID-foto's
-

PAKKET C: R250-00

- 1 X A5
- 1 X 13/18cm
- 3 Jumbo's
- 1 sleutelhouer

KLASFOTO: R60-00 Normaal/"Funny"

- A5

GHOLFDAG: 13 MAART 2026

Ons het slegs enkele plekke oop vir spelers wat vierballe wil inskryf. Klein Lochieland is baie gelukkig en bevoorreg om elke jaar goeie ondersteuning te hê.

As u nie gholf speel nie en u is in die besigheidswêreld, kan u dalk vir ons pryse organiseer. Ons benodig twee pryse van dieselfde soort, want die spelers speel in pare. Aangesien ons veld elke jaar vol is met spelers, is hierdie 'n groot uitdaging sodat daar genoeg pryse is om uit te gee. Pryse kan absoluut enigiets wees, solank daar net twee van een soort is, bv. kampstoele, koelsakke, gholfhemde en -keppies, potte, glase, penstelle, geskenkbewyse, ens. Kontant skenkings sal ook baie waardeer word, want dit word gebruik om pryse aan te koop. Elke bietjie help!

Ons het heelwat putjieborge beskikbaar, daarom sal ons dit waardeer as elke ouer dalk 'n besigheid kan nader om ons teen 'n R1000 per putjie te borg.

Ondersteun ons asb!**SPEELGOED**

Ons doen 'n vriendelike beroep op ouers om asb. seker te maak dat u kleuter NIE speelgoed skool toe bring NIE. Dit veroorsaak onenigheid en ongelukkigheid in die klas en op die speelgrond. Ons neem ook nie verantwoordelikheid as dit breek nie.

GRAAD R-INLIGTING:**INSTAPPIE: THE TRAVELLING BEE**

"The Travelling Bee" besoek ons skool om die graad R-kleuters meer te leer van Bye op Vrydag 27 Februarie. Koste: R40-00 per leerder. Doen asb. 'n direkte inbetaling in die Laerskool se bankrekening met verwysing: **Leerder se naam en Instappie**. Stuur die bewys van betaling per e-pos/ WA aan die klasonderwyseres, asb.

Ons tema vir volgende week is:

Ons persepsies is:

EMOSIES en SINTUIE

Kleur: **Groen**
Vorm: **Vierkant**
Getal: **2 en tweede**
Klank: **g-klankie**

Assesserings:

Ouderdom
Verjaarsdagmaand
Skeur en plak
Klap ritmiese patrone
Ontwerp eie patroon
Volg aanwysings: Vorentoe en agtertoe
Ruimtelike oriëntasie

Maandag 16 Februarie: **Bring "g-klankie" prente, asb.**

Dinsdag 17 Februarie: Pak asb. **vierkantbroodjies** vir u kind in

Woensdag	18 Februarie:	Kleuters trek iets groen aan, asb. Ouerkomiteevergadering om 18:30
Donderdag	19 Februarie:	Ons maak 'n groot oog om te "sien"
Vrydag	20 Februarie:	GRAAD R-FOTODAG: Onthou om skoolhempies aan te trek, asb.

GRAAD RR-INLIGTING:

Ons tema vir volgende week is:
Ons persepsies is:

SINTUIE

Kleur:	Geel
Vorm:	Driehoek
Getal:	2
Klank:	e-klankie

Maandag	16 Februarie:	Ons maak 'n lekkerruik-blom
Dinsdag	17 Februarie:	GRAAD RR-FOTODAG: Onthou om skoolhempies aan te trek, asb.
Woensdag	18 Februarie:	Kleuters trek iets geel aan, asb.
Donderdag	19 Februarie:	Pak asb. driehoekbroodjies vir u kind in
Vrydag	20 Februarie:	"Lekkertjie"-dag

Geniet u naweek!

Vriendelike groete
Klein Lochieland Personeel